

常德文徵卷五

詩 五言古

晉

陶

潛 字淵明潯陽柴桑人

桃花源

嬴氏亂天紀賢者避其世黃綺之商山伊人亦云逝往跡寢
復湮來逕遂蕪廢相命肆農耕日入從所憇桑竹垂餘蔭菽
稷隨時藝春蠶收長絲秋熟靡王稅荒路暖交通雞犬互鳴
吠俎豆猶古法衣冠無新製童孺縱行歌班白歡遊詣草榮
知節和木衰識風厲雖無紀歷志四時自成歲怡然有餘樂

常德文徵

卷五

五言古

一

於何勞智慧竒蹤隱五百一朝敞神界淳薄既異源旋復還
幽蔽借問游方士焉測塵囂外願言躡輕風高舉尋吾契

梁

陰

鏗 字子堅涼州人一作南郡人

渡青草湖

洞庭春溜滿平湖錦帆張源 初學記作沅 水桃花色湘流杜若香
穴去茅山遠 初學記作近 江連巫峽長帶天沉迥碧映日動浮光
行舟逗遠樹度鳥息危檣滔滔不可測一葦詎能航

劉孝勝

彭城人爲武陵王蕭紀長史

武陵深行

武夷深不測水安舟復輕暫借莊生釣還滯鄂君行
謹歌爭後發譟鼓逐前征秦地山川險黔中木石并
林壑秋籟急猿哀夜月明澄源本千仞迴峯忽萬縈
昭潭讓無底太華推削成日落野通氣日極悵餘情
下流曾不濁長邁寂無聲羞學滄浪水濯足復濯纓

唐

宋之問

字延清號宏農人

洞庭湖

地盡天水合朝及洞庭湖初日當中湧莫辨東西隅
晶耀日何在瑩熒心欲無靈光晏海若游氣耿天吳
張樂軒皇至征常德文徵

苗夏禹徂楚臣悲落葉堯女泣蒼梧野積九江潤
山通五嶽圖風怡魚自躍雲久雁相呼獨此臨泛漾
浩將人代殊永言洗氛濁卒歲爲清娛要使功成退
徒勞越大夫

楊

浚

開元中
官校書

武陵草堂

詩爲當時
隱居者作

草堂列仙樓上在青山頂戶外窺數峯階前對雙井
雨來花盡濕風度松初冷登棧行不疲入溪語彌靜
云能去塵服兼欲事金鼎正直心所存諂諛長自省
適知幽遁趣已覺□慮屏更愛雲林閒吾將臥南嶺

王昌齡

字少伯
京兆人

卷五

五言古

二

留別武陵袁丞

皇恩暫遷謫待罪逢知己從此武陵溪孤舟二千里桃花遺
古岸金澗流春水誰識馬將軍忠貞抱生死

杜

甫字子美襄陽人

別董頌

窮冬急風水逆浪開帆難士子甘旨闕不知道里寒有求彼
樂土南適小長安別我舟楫去覺君衣裳單素聞趙公節兼
盡賓主歡已結門閭一作廬望無令霜雪殘老夫纜已解脫粟
朝未餐飄蕩甲兵際幾時懷抱寬漢陽頗寧靜峴首試考槃
當念著白帽采薇青雲端

常德文徵

卷五

五言古

三

盧

綸字允言河中蒲人

同吉中孚夢桃源二首

春雨夜不散夢中山亦陰雲中碧潭水路暗桃花林花水自
深淺無人知古今
夜靜春夢長夢逐仙山客園林滿芝朮雞犬傍籬棚幾處花
下人看余笑頭白

劉禹錫

字夢得彭州司馬

登司馬錯古城

秦昭王命錯征五溪蠻城在武陵沅江南

將軍將

一作實

秦師一作帥

西南奠遐服故壘清江上蒼烟晦

作昧

喬木登臨直蕭辰周覽壯前躅塹平陳葉滿墉高秋蔓□

廢井抽寒菜毀臺生魯一作穀耕人得古器宿雨多遺□楚

塞鬱重疊蠻溪紛詰曲留此數仞基幾人傷遠目一作傷送目

謁柱山會禪師

我本山東人平生多感慨弱冠遊咸京上書金馬外結交當

世賢馳聲溢四塞勉修貴及早狃捷一作健不知退錙銖揚芬

馨尋尺招瑕類淹留郢南都一作鄙摧頽羽翰碎安能咎往事

且欲去沉痾吾師得真如寄在人寰內哀我隨名網有如□

飛輩瞳瞳揭智燭照使出昏昧靜見玄關啟歆然初心會夙

尚一何微今得信可大覺路明證入便門通懺悔悟理言自

忘處屯道猶泰色身豈吾寶慧性非形礙思此靈山期未卜

常德文徵

卷五

五言古

四

一作來何年載

善卷壇下作在柱山上

先生見堯心相與去一作公九有斯民既已治我得安林藪道

爲自然貴名是無窮壽瑤壇一作臺在此山識者常回首

武陵觀火詩

楚鄉祝融分炎火常爲虞是時直突烟發自晨炊徒盲風扇

其威白晝曛陽烏操綆不暇汲循牆還一作寧避踰怒如列缺

光迅與芬一作焚輸俱聯延掩四遠一作達赫弈成洪鑪洵疑雲

濤翻颯若鬼神趨當前迎焮郝是物同膏腴金烏入梵天赤

龍遊元都騰烟透牕戶飛焰生爨樵火山摧半空星雨□□

衢瑤壇被髹漆寶樹攢珊瑚光一作花縣與琴焦一作焦琴旗亭無

酒濡市人委百貨邑令遺雙鳧餘勢下隈隩長燂烘舳艫吹

焚一作熒照水府炙浪愁天吳災罷雲日晚心驚視聽殊高灰

辨廩庾黑土連闔閭眾盡合星羅遊氛鑱人膚厚地藏宿熱

遙林呈驟枯火德資生人庸可一日無御之失其道敲石彌

天隅晉庫走龍劍吳宮傷燕雛五行有沴氣先哲垂訐謨宋

鄭同日起時常賢大夫無苛自可樂弭患非所圖賢守恤人

瘼臨烟駐驪駒弔場色慘怵一作怛顏一作喧失詞劬愉下令蠲

里布指期輕市租閉垣適未立苦蓋自相娛山木行剪伐江

泥宜瑾途一作塗邑一作魯臣不必曾一作葦何用徵越巫

常德文徵 卷五 五言古 五

遊桃源一百韻

沅江清悠悠連山鬱岑寂回流抱絕巘皎鏡含虛碧昏旦遞

明媚烟嵐分委積香蔓垂綠潭暴龍照孤磧山下潭名暴龍淵

明著前志子驥思遠蹠事見陶先生本記寂寂無何鄉密爾天地隔

金行太元歲漁者偶探蹟尋花得幽踪窺洞穿閭隙依微聞

雞犬豁達值阡陌居人互相迎笑語如平昔廣樂雖交奏海

禽心不憚揮手一來歸故溪無處覓綿綿五百載市朝幾遷

革有路在壺中無人知地脈皇家感至道聖祚自天錫金闕

傳本枝玉函留寶歷禁山開秘宇復戶潔靈宅詔隸二十戶免徭以奉灑

掃蕊檢香氤氳醮壇烟幕冪我來塵外躅瑩若朝星析崖轉

對翠屏水窮留畫鷁三休俯喬木千級扳峭壁旭日聞□□
綵雲迎躡屐遂登最高頂縱目望楚澤平湖見草青遠岸□
霞赤幽尋如夢想綿思屬空閭夤緣且忘疲耽玩近成癖清
猿伺曉發瑤草凌寒坼祥禽舞葱蘢珠樹搖玃璫一作羽人
顧我笑勸我稅歸輓霓裳何飄飄童顏潔白皙重巖是藩屏
馴鹿受羈勒樓居彌邇作清霄蘿蔦成翠帟仙翁遺竹杖王
母留桃核姹女飛丹砂青童護金液寶氣浮鼎耳神光生劍
脊虛無天樂來僊宰鬼兵役丹邱肅朝禮玉扎工紬繹枕中
淮南方牀下阜鄉舄明燈坐遙夜幽籟聽淅瀝因話近世仙
聳然心神惕乃言瞿氏子骨狀非凡格往事黃先生羣見多

常德文徵

卷五

五言古

六

侮劇警

一作警

然不屑意元氣貯肝膈往往遊不歸洞中觀博

弈言高未易信猶復加訶責一旦前致辭白云仙期迫言師
有道骨前事常被謫如今三山上名字在真籍悠然謝主人
後歲當來覲言畢依庭樹如烟去無跡觀者皆失次驚追紛
絡釋日暮山徑窮松風自蕭槭適逢修蛇見瞋目光激射如
嚴三清居不使恣搜索唯餘步綱勢八趾在沙磔至今東北
隅表以壇上石列仙徒有名世人非目擊如何庭廡際白日
振飛翮洞天豈幽遠得道如咫尺一氣無死生三光自遷易
□思人間世前路何狹窄警然此生中善祝期滿百大方播
羣類秀氣肖翕鬪性靜木同和物牽成阻阨是非鬪方寸葷

血昏精魄遂令多天傷猶喜見斑白喧喧車馬馳苒苒桑榆
夕共安緹繡榮不悟泥途適紛吾本孤賤世業在逢掖九流
宗指歸百氏旁攬摭公卿偶慰薦鄉曲繆推擇居安白社貧
志傲元纁辟功名希自取簪組俟揚歷書府蚤懷鈔射宮曾
發的起草香生帳坐曹烏集柏賜燕聆簫韶侍祠閱琮璧嘗
聞履忠信可以行蠻貊自述一作迷希古心妄恃干時畫巧言
葱成錦苦志徒食蘖平地生峯巒深心有矛戟層波一震盪
弱植忽淪溺北渚弔靈均長岑思亭伯禍來昧幾兆事去空
歎息塵累與時深流年隨漏滴才能疑木雁報施迷夷跼楚
奏繫一作繫鍾儀商歌勞甯戚稟生非懸解對鏡方感激自從

常德文徵

卷五

五言古

七

嬰網羅每事問龜策王正降雷雨環玦賜遷斥儻伏一作復夷

平人誓將依羽客買山構精舍領頭開講席冀無身外憂自

有閑中益道芽期日就塵慮乃冰釋且欲遺姓名安能慕竹

帛長生尙學致一漑一作咎豈虛擲芝朮資餼糧烟霞拂巾幘

黃石履看墮洪崖肩可拍聊復嗟蜉蝣何須哀虺蜴青囊既

深味瓊葩亦屢摘縱一作蹤無西山資一作姿猶免長戚戚

李羣玉

字文山
禮州人

登宜臺

醉宿景星寺寄鄭
判官兼簡空上人

曉發碧水陽暝宿金山寺松風灑寒雨浙瀝醒餘醉夜中香
積飯蔬粒俱精異境寂滅塵愁神高得詩思皎皎滎陽子芳

春富才義漲海豁心源冰壺見門地碧霄有鳩序未展聯行
翅但笑一尺繩三年絆騏驥摧殘擔簦客鬱抑胸襟事名業
兩未從臨風嘿舒氣一身渺雲嶺中夜空涕泗側枕對孤鐙
衾寒不成寐糧薪極桂玉大道生榛刺恥息惡木陰難書劍
歌意揚鞭入莽蒼山驛凌烟翠越鳥日南飛芳音願相次

王

融字子華
山陰人

七仙洞

在今景
星寺

湘沅有蘭芷汨欲吾南征遺佩出長浦舉袂望江城朱霞拂
綺樹白雲照金楹五芝多秀色八桂常冬榮彌節且彝與參
差聞鳳笙

常德文徵

卷五

五言古

八

宋

蘇

軾字子瞻
眉山
人

和陶潛桃花源詩

凡聖無異居清濁同此世心閒偶自見念起忽已逝欲知真
一處要使六用廢桃源信不遠杖藜可少憇躬耕任地力絕
學飽天藝臂雞有時鳴尻駕無可稅苓龜亦晨吸枸杞或夜
吠耘樵得甘芳飽齧謝炮製子驥雖形隔淵明已心詣高山
不難測淺水何足厲不如我仇池高舉復幾歲從來一死生
近又等癡慧滿澗安期境羅浮稚川界夢往從之遊神交發
吾蔽桃花滿庭下流水在戶外却笑避秦人有異非所契

梅堯臣

字聖俞
宣城人

武陵行

生事在漁樵所居亦烟水野艇一竿絲朝朝狎清泚忽自傍
藤陰乘流轉山觜始覺景氣佳潛通小溪裏常時不見春人
谷驚紅蕊幽興窮綠波翫芳心莫已苑外一峯明林間碧洞
啟遙聞雞犬音漸悟人烟邇捨舟遂潛行石徑劣容屣豁然
有田園竹果相叢倚龐眉髻髻人倏遇心顏喜尙作秦衣裳
那知漢名氏自言逢世亂避地因居此來時手種桃今日開
如綺更看水上花幾度逐風委競引飯彫胡邀飲酌瓊醴復
呼童稚前綠鬢仍皓齒翻遣念還茅思歸釣鱸鯉將辭亦贈
常德文徵

卷五

五言古

九

言勿道邱壑美鼓枻出仙源繁音猶灑迤薄暮返滄洲微風
吹白芷他日欲重過茫茫何處是

黃庭堅

字魯直
洪州分寧人

雙松亭

文殊堂下松永日如鳴琴我登雙松亭時步雙松陰中有寂
寞人安禪無古今

元

顧

瑛

一名阿英金粟
道人崑山人

以夜闌更秉燭相對如夢寐分韻得夢字

涼風振林木惻惻初寒動肅客桃花源張筵鳴玉洞落□□

□□飛雪棲畫棟談元味妙理謔笑雜微諷取琴雪巢□□
聽金石弄嘉會固難并聚散恍春夢明發大江舟天濶孤□
送

明

薛

瑄字德温
河津人

龍陽山行遇雨

歲晚山行深山中水重疊叢篁夾溪橋橋斷橫槎接陰雨竟
連朝雲林黯一色虛風忽泠然蕭蕭墜黃葉撫景復何爲內
顧遠遊客

銘

崧泰和
人

常德文徵

卷五

五言古

十

桃源

青林被重崗蒼石立絕磴冥冥松風迴高蔓弱可綰驅車鶴
嶺下沮淤濕危棧微茫烟霞集披靡杉筠間高秋灝氣豁秀
色分屬盼芸芸漣纒子涉水恆及□山女行負薪結髮垂兩
朶年豐稔稻足食狙芻與豢呼□不及門征租少稽慢銀坑
重茶賦往往先月辦緣山八九家火耕習耨鏟土屋桑樹高
雞鳴日方晏清霜落原菽夕露沾畦莧阡嗟避秦人歷世乃
多患豈知太平俗鎧甲未嘗擐永宜曠士懷樂此謝游宦種
桃實吾事荷耒乃不慣窮源愁日暮流水方汕汕歎息行險
艱南雲送涼雁

王守仁

字伯安
餘姚人

天心湖卽事

掛席下長沙瞬息百餘里舟人共揚眉予獨憂其駛日暮入
沅江抵石舟果圯補敝誥朝發衝風遂齟齬暝泊後江湖蕭
條傍層壘月黑波濤驚蛟鼉互睥睨翼午風益厲狼狽收斷
汜天心數里間三日但遙指甚雨迅雷電作勢殊未已溟溟
雲霧中四望渺涯涘篙槳不得施下夫盡嗟噫淋漓念同胞
吾寧忍暴使饘粥且傾橐甘苦吾與爾眾意在涉濟絕糧亦
均死馮陵向高浪吾亦詎容止虎怒安可撓志同稍是倚且
令並岸行試步湖濱止收舵幸無事風雨亦浸弛逡巡緣江

常德文徵

卷五

五言古

十一

湄迤邐就風勢新漲翼回湍倏忽游如矢夜入武陽江漁村
穩堪艤糴市謀晚炊且爲眾人喜江醪信漓濁聊復盪胸痞
濟險在需時徼倖豈常理爾輩勿輕生偶然非可恃

何景明

字仲默
信陽人

寓武陵詩

驅馬山上行山高何巍巍修板接飛翼百步仍九迴俛視烟
靄中眾山鬱何壘茫然望四海萬物亦已衰昔我別京國朱
華猶未希歲節忽復易何時當旋歸

山深多樹木百里人民稀時有四五家茅茨隔山陂沙田不
可耕何以禦歲饑門前數畝園祗收蓬與藜平林出及間薄

暮始得炊童稚那敢出但畏逢虎羆草黃納晚禾桑綠催官
絲嗟爾遠方人辛苦誰具知

山勢行轉促連峯相貫輪窈然林莽中乃復得坦途青壁結
烟靄縹緲凌虛無層阿秀嘉禾下覆青水渠夙志好幽僻覽
茲耳目娛公車雖少延顧盼忽已踰安得鼓清琴日坐山之
隅

桃花源

神宮矗飛觀結構倚層邱上翳萬年樹下映千尺流仙蹤久
已沒百代傳其由荒途橫白雲寥寥安可求

谿谷多清氛朝暮不可知雞鳴洞中樹輕暎散華池白石流

常德文徵

卷五

五言古

十二

丹液靈葩耀朱蕤誰能學丹術遂使塵網離

溪中何所有磊磊多竒石紫參生其陽青松植其北遠林商
氣清絕巘夕光白何當發雲奏招我吹簫客

自武陵至沅陵道中雜詩

叢薄被烟臯徑路紆且微秋風振喬柯綠葉漸以稀日入羣
動息林深眾響歸君看棲枝鳥大小必相依

張時徹

字唯敬鄞縣人一作許
相卿字台仲海寧人

武陵莊雜詠

秉願物外遊結欣在何許覓路辨青山沿洄遵枉渚丹邱忽
戾止烟霞密如堵中有千年松滴翠紛成雨叢篁茁新玉繆

木羅珍羽眺聽不勝竒日夕愴容與

岳

岱

字東伯蘇
州衛人

武陵精舍六首

南湖春雨

紫燕銜青泥南湖事東作一犁衡嶽雨細逐桃花落婦子餉
田歸平臯烟漠漠

河洑漁梁

白石何纍纍流水亦復急茅茨對夕暉敝笥待鮮食曬翅滿
漁梁鷓鴣與鸕鶿

西山烟寺

常德文徵

卷五

五言古

十三

雨過落花深春眠嬾無事起望西山雲不見山中寺日高忽
聞鐘驚散雲峯翠

桃溪夜月

可憐武陵溪本自仙源水漁舟昔延緣未盡巖壑美石門今
已迷月照千峯裏

竹灣雪艇

鷗飛江上雪雪覆江邊竹扁舟不可渡遠望迷川陸漁父暮
歸來蓑衣滿珠玉

金霞夕照

鳥歸山日□石壁開返照餘霞赤城標復映臨海嶠披襟坐

春臺幽懷發孤嘯

袁宏道

字中郎
公安人

水心巖

寧龍負巨山一往冰潭睡春沫與秋瀾洗盡青山蛻石膚鑑
水光遞互發清麗轉盼分瘦妍生動各有意我欲舉鐵網拔
出珊瑚翠付與種桃人置之花深地他時攜枰來石上聊一
戲

登河湫山

高閣俯蒼崖下有花源路料得避秦人入山從此去潭水浣
山膚膚盡紅霞露老蛟挾瘦石千古盤渦怒溪土盡漁郎誰
識花流處事往白雲新人去青山故挂却茱萸囊長嘯倚丹
樹

袁中道

字小修
公安人

花源道中紀遊并示文弱

綠蘿如篆刻鋒刃駁雲霧下臨百尺潭丹碧寫練素沿溪望
前村都似避秦處停舟入花源攜筇臨水步桃花千樹紅花
深迷往路帶月石間流夜深響瀑布清坐愴忘歸一山滴浩
露

國朝

陳士本

字□仙
湖北道人

常德文徵

卷五

五言古

十四

奉調上沅訪桃源洞

髻年事槩鉛曾讀桃源記漁翁溯流泉驀入五雲闕桃花夾
岸紅藤蘿拂巖翠洞犬吠仙聲桑麻迥無異中有龐眉翁云
由酷秦避歷年五百餘猶說當時事歸來日甫斜再往只長
喟念余上辰沅鼎州發輕騎憑軾覓仙踪僕夫指雲委拾騎
入深林林清滌人膩浩歌一曲終谷聲若相次漁翁今已無
洞門扃干季安得避秦人一問仙家秘

王象添

富平人
僉事

和靖節桃花源詩

常讀南華經浮雲看此世桃花落復開源水流隨逝一瞬等

常德文徵

卷五

五言古

十五

地禾千秋幾興廢能得山林趣城市差堪憇關閉可禦風茅
誅當習藝興到呼濁醪耕餘足公稅曙入雞肆唱枕安龙不
吠飲露吸天池餐霞鮮炮製散步憑長嘯跌坐良所詣偶起
視澗阿淺深忘揭厲况樂太平春不同離亂歲少也素迂癡
老矣何智慧彭澤愛吾腰東坡絕凡界兩賢若同符百慮無
異蔽迷津思問津豈在桃源外溪水不容刀泳游饒獨契